



Isumaginninnermut Inatsisinillu Atuutsitsinnermut Naalakkersuisoqarfik

Mail: iian@nanoq.gl

Nuuk ulloq 2. november 2018

Journalnr 7-3-1 Ibrn 13303

Ulloq unnuarlu angerlarsimaffinnik pilersitsisarneq ingerlatsinerlu pillugit nalunaarummut siunnersuummut tusarniaanermi akissut pillugu

IMAK-ip siulersuisuisa siunnersuut nassiunneqartoq oqallisigereerpaat. Siulersuisut tulliuuttunik oqaasissaqarput;

§ 7 imm. 2

IMAK-ip siulersuisuisa takusinnaavaat, pisut ilaanni perorsaanikkut tunngaveqarluni, qatanngutigiiit allallu ineqatigiillutik sinittarsinnaasut. Siulersuisulli isumaqarput, qaqugukkulluunniit meeqqanut tamanut ineeqqamik atoriaannaasoqassasoq. Tamatuma namminermi ineeqqami sineqatigiissinnaaneq killilersunngilaat.

Meeqqat tamarmik pisariaqartippaat — tamanna immaqa aamma meeqqanut inissinneqarsimasunut atuunnerusinnaavoq — namminiussinnaanissaq.

IMAK-ip siulersuisuisa aarlerigaat, meeqqat nammineq ineeqqami kisimiiffigisinnaasaqanngikkunik, qatanngutigiiit imaluunniit allat qatanngumminnut angajoqqaajaqqatut pissusilersulersinnaanerat.

Ilanngullugu siulersuisut isumaqarput, aarlerinartoqarluinnartoq, aalajangersakkap toqqorluni sipaarniarnernik kinguneqarsinnaanera.

IMAK-ittaaq siulersuisui isumaqanngillat, piffissami taarsiinissamut akuersissutinik piimasaqaatalinnik sivitsuisinnaanermik periarfissaqartunik periarfissaqassasoq. Tassunga atatillugu eqqumaffigeqquneqarpoq, allakkami malittaasumi allassimammat, piffissaq ukiut 3-t tungaanut pineqartoq, § 7 imm. 7-imili allassimalluni ukiut 2-t tungaanoortoq sivitsuinissamut periarfissaqarluni.

Meeqqat inuusuttullu inissinneqaqqamertut inissinneqarsimanermi pitsaanerpaamik atugaqassapput, taamaangippat inissiineq meeqqamut/inuusuttumut ikiuutaanani artorsaataaginnarsinnaavoq.

IMAK-ip maluginiarpaat, ulloq unnuarlu angerlarsimaffiit namminersortut amerlanerujartortut pilersinneqartartut, pingaaruteqarpoq, taakku piimasaqaatinik tamanik eqquutsitsissasut, taamaattumik aningaasarsinissaq piinnarlugu pilersinneqartaratik, soorlu tamanna Danmarkimi takuneqartareersoq.

Inussiarnersumik Inuulluaqqusillunga



Lisbeth Frederiksen
Allatsi

IMAK • Noorlernut 23 • Boks 867 • 3900 Nuuk • Tlf. +299 32 25 50 • Fax +299 32 50 61 • imak@imak.gl • www.imak.gl